



Broj: 02-05-27791-50/19
Sarajevo, 12.07.2019. godine

SKUPŠTINA KANTONA SARAJEVO
gosp. Elmedin Konaković, predsjedavajući Skupštine

PREDMET: Amandmani Vlade Kantona Sarajevo na prijedlog Odluke o vršenju ovlaštenja skupštine javnih preduzeća čiji je osnivač Kanton Sarajevo, dostavlja se –

Shodno odredbama člana 152. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst i br. 15/13, 47/13 i 47/15), Vlada Kantona Sarajevo je na **29.** sjednici održanoj **12.07.2019.** godine donijela i podnosi slijedeće Amandmane:

AMANDMAN I

Naziv Odluke mijenja se i glasi:

„O D L U K A
O VRŠENJU OVLAŠTENJA U PRIVREDNIM DRUŠTVIMA SA
UČEŠĆEM DRŽAVNOG KAPITALA IZ NADLEŽNOSTI KANTONA
SARAJEVO“

Obrazloženje

Detaljnom analizom utvrđeno je da se Kanton Sarajevo, pored ranije navedenih kantonalnih javnih preduzeća i kantonalnih javnih komunalnih preduzeća, ima većinski udio u drugim preduzećima (npr. Bags Energetika), te je odlučeno da se naziv odluke promjeni i proširili, kako neka preduzeća ne bi bila izostavljena od primjene ove odluke.

AMANDMAN II

Član 1. mijenja se i glasi:

„Član 1.
(Predmet odluke)

Ovom odlukom Kanton Sarajevo uređuje način vršenja ovlaštenja skupština u privrednim društvima sa učešćem državnog kapitala iz nadležnosti Kantona Sarajevo, odnosno javnih preduzeća čiji je osnivač Kanton Sarajevo (u daljem tekstu: javno preduzeće)“.

Obrazloženje

Obrazloženje isto kao i za Amandman I.

AMANDMAN III

1. Naziv člana 2. mijenja se i glasi:

„Član 2.
(Ovlaštenja skupštine u javnim preduzećima)

2. U članu 2. stav (1) riječ: „KJP“, zamjenjuje se riječima: „javnim preduzećima“.

3. U članu 2. dodaju se novi st. (7), (8) i (9) koji glase:

„(7) Vlada može opozvati punomoć ili umjesto već date punomoći dati novu punomoć najkasnije do održavanja skupštine.

(8) Ukoliko Vlada javnom preduzeću u periodu od sedam dana od dana održane skupštine dostavi akt kojim pobija valjanost punomoći na osnovu koje je punomoćnik učestvovao u radu i odlučivanju skupštine, nadležni organ javnog preduzeća će proglašiti nevažećim glasove na osnovu te punomoći i o tome pismeno izvijestiti sazivača skupštine.

(9) Sazivač skupštine je dužan obustaviti od izvršenja odluku za čije donošenje su bili odlučujući glasovi na osnovu punomoći iz stava (8) ovog člana i sazvati skupštinu radi ponovnog odlučivanja o tim pitanjima, najkasnije 30 dana od dana prijema obavijesti nadležnog organa privrednog društva.“

Obrazloženje

Dopunama ovog člana Vlada Kantona Sarajevo ostavlja mogućnost opoziva punomoći ili davanja nove punomoći najkasnije do održavanja skupštine, te se daje mogućnost pobijanja valjanosti punomoći u slučajevima da punomoćnik ne postupa po uputama Vlade Kantona Sarajevo, čime se mogu osporiti i odluke donesene odlučujućim glasovima punomoćnika.

AMANDMAN IV

- U članu 4. stav (1) riječ: „KJP“, zamjenjuje se riječima: „privredno društvo“.

- Iza stava (2) dodaju se novi st. (3), (4) i (5) koji glase:

„(3) U situacijama kada se donose odluke iz člana 2. stav 6., kao i u svim drugim slučajevima kada resorno ministarstvo ocjeni svrshishodnim davanje obavezujućih uputa punomoćniku/cima za odlučivanje po pojedinom pitanju, resorno ministarstvo dužno je dati prijedlog Vladi za odlučivanje po predmetnim tačkama.

(4) U cilju praćenja odlučivanja u skupština javnih preduzeća, javno preduzeće je dužno najkasnije u roku od tri dana od dana održavanja skupštine izvjestiti Vladu putem resornog ministarstva o donesenim odlukama.

(5) Resorno ministarstvo dužno je izvršiti procjenu donesenih odluka, te ukoliko utvrdi da iste mogu biti na štetu javnog preduzeća ili su donesene suprotno obavezujućim uputama

Vlade za odlučivanje, predložit će Vladi da doneše odluku o suspenziji izvršenja takvih odluka.

(6) Vlada će suspenziju izvršenja odluka iz prethodnog stava vršiti putem javnog preduzeća po proceduri propisanoj u članu 2. stav 9. ove Odluke.“

Obrazloženje

Vlada Kantona Sarajevo dopunama ovog člana dodatno propisuje obavezu postupanja punomoćnika po obavezujućim uputama Vlade Kantona, kao i dodatnu obavezu resornog ministarstva za upućivanje prijedloga Vladi Kantona za odlučivanje punomoćnika po pojedinim tačkama.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. Arhiva



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

